

2018. Ordenantza fiskalak. Behin betiko onarpena 2017ko abenduaren 22an izandako Bermeoko Udaleko Osoko Bilkuran BAO 2017/12/29. 247. zk., 6. zatia. Akats zuzenketak BAO 2018/01/24. 17 zk.

ANIMALIAK EUKITEKO ETA BABESTEKO udal zerbitzuen tasa arautzen dauan ordenantza fiskala.

1. artikulua - IZAERIA ETA OINARRIA

Tokiko Ogasunen 9/2005 Foru-Arauaren 21. eta hurrengo artikuluetan ezarritakoa kontutan izanda, udal honek Euskal Autonomia Erkidegoan txakurrak edukitzeari buruzko ekainaren 1eko 101/2004 Dekretuz agindutako animaliak eukiteko eta babesteko udal eskumeneko zerbitzu eta jardueren tasa eskatuko dau ordenantza fiskal honetan xedatutakoaren arabera.

2. artikulua - ZERGA EGITATEA

Zerga egitatea txakurrak eta laguntasun edo zaintzarako beste animalia batzuen segurtasunaren, osasunaren, osasungarritasunaren eta garbitasunaren baldintzak egiaztatzeko eta betearazteko, animaliak batzeko eta zaintzeko, beharrezko lizentziak eta erregistroak gauzatzeko udal zerbitzu eta jarduera, teknikoa zein administratiboa da. Berariaz tasaren epigrafeetan zehaztutakoak, hain zuzen be.

3. artikulua - SUBJEKTU PASIBOAK

1- Tasa honen subjektu pasiboak dira zerbitzuak eskatu, eragin edo interesa daukien pertsona naturalak edo juridikoak, eta Zergei buruzko Foru Arau Orokorraren 34. artikuluan jasotzen diren pertsona fisiko eta juridikoak eta erakundeak, baita, zerbitzu edo jardueraren onuradunak be.

2- Tasaren kudeaketarako xedapenetan bereziki aipatu daitekenaren kalte barik, honako honeek dira subjektu pasiboak:

- a) Animaliak, identifikatuta egon ala ez egon, jabea euki daukanean: jabea
- b) Adopzinoetan: hartzailea
- c) Zerbitzu edo jarduera eskarietan: eskatzailea edo jabea 101/2004 Dekretuko 10. artikuluko 3 a) kasuan.

4. artikulua - ZERGA OINARRIA ETA KUOTEA

1- Epigrafeetan deskribatutako zerbitzu edo jarduera unitate bakotxa gauzatzea da zerga oinarria, jagokozan tarifak edo zenbatekoa ezartzen dauan eran. Hau da, epigrafe bakotxa independentea da.

2- Aurreko artikulutik sortzen diran epigrafe ezberdinetako zenbatekoen batuketa izango da tasaren kuota.

3- Epigrafeak:

AF – E 31

1



1- LIZENTZIAK (txakur arriskutsuak)

1.1- Lehen lizentzia eta txartela	36,30
1.2- Lizentziaren barriztapena eta txartela	9,07
1.3- Titularra aldatzea eta txartela	18,15

2- Udal-ERREGISTROAn erregistratzea (txakur arriskutsua)

2.1- Erregistratzea eta txartela	9,60
2.2- Erregistro aldaketak eta txartela	4,80

3- Arriskugarritasunaren BALORAZINOA

3.1- Arriskugarritasuna baloratzeko txostena	115,63
--	--------

4- ANIMALIAK BATZEA/JASOTZEA (A)

Pertsonal adituaren eta ibilgailu egokituaren joan-etorria, bai animaliak jasotzeko (animalia hilak barru dirala). Berdin harrapatzeko erarik ez dagoanean ere bai animalia aurkitu ezin dalako, edo bere jabea agertu dalako bertaraino joan diren bitartean, zein abisua baliogabetua izan dalako beste edozein egoera bide dala:

4.1- Joan-etorri honeek jendearentzako ordutegi barruan direnean, hau da: astelehenetik barikura, 9:00-13:00 eta 16:00-19:00. Zapatuetan, 9:00-14:00.	73,60
4.2- Jendearentzako ordutegitik kanpo egin direnean joan-etorriak	128,36
4.3- Abenduaren 24, 25 eta 31n eta urtarrilaren 1ean	291,25
4.4- Zerbitzuaren kontratistea arduratu behar denean animalia harrapatzen aurretiaz lotuta egon ez delako, aurreko ataletan aurreikusitakoetatik aparte	110,86
5- JASOTAKO ANIMALIEN LEHENENGO AZTERKETA ETA GARBIKETA (B)	
5.1- Desparasitazioa eta bainua zentrora sartzean	57,81
6- IDENTIFIKAZIOAK ©	
6.1- Identifikazioa jartzea zentrora heltzean ez daukienei (AIEOn alta emateko tramiteak ere sartzen dira barruan).	26,25
6.2- Adoptatzen dan katuari identifikazioa jartea	26,25
7 - TXERTOAK (D)	
7.1- txertoa jartzea	24,90
8- OSPITALERATZEA (H)	
8.1- txakurraren ospitalizazioa eguneko	26,53



8.2- katuaren ospitalizazioa eguneko	26,53
8.3- Lan ordutegitik kanpo jasotako animalia batek albaiariaren beharritana izatea (K)	130,05
9 - MANTENUA (I)	
9.1- Egonaldiko lehen 30 egunetan txakurraren mantenua eguneko	8,65
9.2- Egonaldiko lehen 30 egunetatik aurrera txakurraren mantenua eguneko	8,03
9.3- Egonaldiko lehen 30 egunetan katuaren mantenua eguneko	6,66
9.4- Egonaldiko lehen 30 egunetatik aurrera katuaren mantenua eguneko	5,71
9.5- Beste espezie bateko animaliaaren mantenua eguneko	6,80
10- ADOPZINOAK	
10.1- Jabeak adopziorako entregatutako animalia onartzea	37,50
10.2- Txakur antzutua adoptatea	184,44
10.3- Txakurra adoptatzea	58,13
10.4- Katu antzutua adoptatzea	119,11
10.5- Katua adoptatzea	58,13
10.6 - Albaiteroak egiaztagiriak egitea (J)	57,41
11- EUTANASIAK (F)	
11.1- eutanasia txakurrei	75,64
11.2- eutanasiak katuei	61,08
12- ERRAUSTEAK (G)	
12.1- 45 kg.ra arteko txakurra erraustea	65,30



12.2- 45 kg.tik gorako txakurra erraustea	95,44
12.3- katua erraustea	58,16

5. artikulua - SALBUESPENAK ETA HOBARIAK

Legeetan ezarritako edo nazioarteko itunak aplikatzearen emoitza arauetan ezarritako hobariak edo salbuespenak baino ez dira emongo.

6.artikulua - SORTZAPENA

Tasea, kasuz-kasu, zerbitzua edo jarduera hasten danean, egiten danean edo eskatzen danean sortzen da.

7.artikulua - KUDEAKETA ARAUAK

1- Jarduerak egiteko eta zerbitzuak emateko erak dakarre tasa kudeatzeko era. Horrela lizentzia, erregistro eta balorazio jarduerak udal administrazioak zuzenean egindakoak dira eta eurei lotutako epigrafeak 1, 2 eta 3 dira.

2- Beste epigrafeetan deskribatutako zerbitzuak zerbitzu kontratu bidez ematen dauz udalak, kontratistak gauzatuta eta bere zentroan.

3- Interesdunak arriskutsuak izan daitezkezan txakurrak eukiteko lizentzia, lizentzia barriztapenak, animalien eskualdatzeak, arriskutsuak izan daitezkeen animalien udal-erregistroan erregistratzea eta bertako aldaketak eskatzean Berh@z bulegoan, tasaren autolikidazioa be egin beharko dau.

Autolikidazioa ordaintzeko epea *kudeaketa, diru-bilketa eta ikuskapenari buruzko zerga ordenantza* orokorreko 9. artikuluko 2. a) atalean ezarritako 10 egun izango da. Epea ordaindu barik igaro ezkerro derrigorrezko bilketa prozedura aplikatzea ekarriko dau.

4- 4. epigrafetik 12. epigraferako zerbitzuak bata bestetik independenteak dira eta emondako guztien batuketa izango da batutako txakurraren jabeak txakurra eskuratzean, baten batek adoptatzean edo eutanasia egiteko eta erretzeko eskatzean ordaindu beharko dauan tasa.

Sortutako tasaren aurre-likidazioa egingo dau udal kontratistek animalien jabeak, hartzailak edo zerbitzu eskatzaileak ordaindu daion. Aurre-likidazioan ordenantza honetako epigrafeen kodeak eta deskribapenak argi jarrita egongo dira.

Kontratistari aurre-likidazioaren zenbatekoa ordaintzeko epea *kudeaketa, diru-bilketa eta ikuskapenari buruzko zerga ordenantza* orokorreko 9. artikuluko 2. a) atalean autolikidazinarako ezarrita dagozan 10 egunak izango da. Epea ordaindu barik igaro



ezkero, kontratistek udalari jakinarazo eta agiriak entregatuta, epe amaieraren hurrengo egunean derrigorrezko bilketa prozedura aplikatzea ekarriko dau.

Udaleko tributu kudeaketa sailak aurre-likidazioak egiaztatuta tasaren behin-betiko kitapenak egin daikez aplikatutako epigrafe edota zenbatekoak ordenantzakoekaz bat ez badatoz. Kasu horretan kitapen zuzenez jakinarazoko jako tasa zorra subjektu pasiboari.

Xedapen gehigarria

Ordenantza honetako jarduera eta zerbitzuen interpretazino edo zehaztasunetarako honako arau honeek izango dira oinarriak:

- Euskal Autonomia Erkidegoan txakurrak edukitzeari buruzko ekainaren 1eko 101/2004 Dekretua.
- Bermeon animaliak edukitzea eta babestea arautzen duen ordenantza
- Bermeon jaube bako eta kaleko animalien batze eta zaintze zerbitzurako kontratua

Osoko Bilkurak 2015-09-2an onartuta. BAOn2015-10-23an 204 z.k.-n argitaratuta. 2015-11-28an indarrean sartuta.

